



सानसेयारि **“बड’सा”** ख्रीर्लाइयाव
स्माज्यादि जिज्जो लोब्बा थानाय रायथाय, खन्थाय,
स्ल’ स्ल’बाथा आरो दावबायारि थावनि, पार्क
बाइदिनि स्मायव लिन्नाय लिन्दिबां हैथाय ठर/
स्मान्सेयारि **“बड’सा”** ख्रीर्लाइया सेबखानाबै
फोस्ववगेन/
बड’सायाव लिन्नायानि हुडा खलाम,
“बड’सा” ख्री नोथो, जो बयबो आंगो खलाम।

सानसेयारि बड’सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA★A Bodo News Daily★Monday★13 October, 2025 Kokrajhar, BTC, Assam★Vol.-35, Issue No.198★R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

राइज्यो बेंगिरिया बारग’ सान्त्रिफोरनि स्वाभिमान रेलि-2025 आव बाहागो लादों

**स्वाभिमान रेलिआ रैनियाफोर आरो नोगोरारिफोरनि
गेजेराव गोखों सोमोन्दोखौ दिन्थियो: राइज्यो बेंगिरि**

गुवाहाटी, 12 अक्टूबर: आसामनि राइज्यो बेंगिरि लक्ष्मण प्रसाद आचार्यआ दिने गुवाहाटीनि नारंगि मेलिटारि स्टेडियमआव खुनाय बारग’ रैनिया सान्त्रिफोरनि स्वाभिमान रेलि-2025 हाबाफारियाव बाहागो लादों। 51 थि साब एरिया हेडकुवार्टरजों खुंजानाय बे रेलिआव भारतनि रैनिया हान्जानि बारग’ सान्त्रिफोरनि साहस, गावसोखौ बाउसोमनायनि थाखाय बिसोरखौ मान होनाय जायो। लोगोसे मुंछं जानाय रैनियायनि नख’रफोरनो हादत एबा सरकारआ जेब्यायबो मदत आरो गसंथेफानायखौ



दिन्थियो। बे हाबाफारियाव राइज्यो बेंगिरि आचार्यआ गावनि बिबुंथियाव गोग्गानाय आरो इसिडारि नोजोरनि मोनसे गोथार

सम महरै रायखानांनै बुडोदि, जाय बिथांमोना गोबां जोलैनिफ्राय साहस गोरा महरै हादतखौ सिबिबोगासिनो दं, बिसोरखौ आं

(□ 6 बिलाइआव)

एबसुआ मिरुआरि रेंगौथि सायख’ आन्जाद- 2025 खौ फैगौ 14 डिसेम्बरआव खुंगोन



कक्राझार, 12 अक्टूबर: दुलाराय बर’ फरायसा आफादआ बर’ बिजोंआव फरायनाय फरायसाफोरनो गुन गोनां सोलौंथाइखौ बांहोनाय आरो आथिखालनि बादायारि मुगायाव फरायसाफोरखौ फारफोमबो बिथिडाव आखा-फाखा खालामनायजों लोगोसे बादायलु आन्जादफोरव गुबुन-गुबुन सोरबिथिडाव थानाय फरायसाफोरबो बाहागो लानायनि गेजेरजों गाव-गावनि फोथायथिखौ

(□ 6 बिलाइआव)

आसामआव थानाय मोन 14 जनजातिफोरखौ खहा खालामनांनै जनजातिनि मान होनाया गनायथाव नडा : दिपेन बर’ बर’ गोजोन गोजोन गोरोबथाखौ मावफुंङब्ला गोखों सुबुंखास्थियारि सोमावसारनो एबसुआ थांखि लादों

कक्राझार, 12 अक्टूबर: 2020 माइथानि 27 जानुवारियाव मावफुंजानाय बर’ गोजोन गोरोबथानि दफाफोरखौ मावफुंजानाय दाबियाव फैगौ अक्टूबरनि जोबथारनाय बाहागोआव मोनफोमबो जिल्लायावनो हान्जा सुरनाय हाबाफारि बान्जायनाय जादों होन्नानै दुलाराय बर’ फरायसा आफादआ फोरमायदों। बेनि

(□ 6 बिलाइआव)



बेनि

आसाम साहित्य सभानि 3थि मावफुं आफादनि जथुम्माया थुंगेबाय खौसेथिया मोनसेल’ हान्जाजों जाया, मोनैबो हान्जा लोगो नाडेब्लासो बांसिन अन्जिमा जायो: डू बसन्त गस्वामि

सिलचर, 12 अक्टूबर: खौसेथिया मोनसेल’ हान्जाजों जाया, मोनैबो हान्जाया लोगो नाडेब्लासो बांसिन अन्जिमा जायो। दिने खौसेथि सन्मिलनआव बे बायदिनो फोरमायदों आसाम साहित्य सभानि आफादगिरि डू बसन्त कुमार गस्वामिआ। थांन्या 11 आरो 12 अक्टूबरआव सिलचरआव सान्नेनि मेहेरगोनां हाबाफारिजों बान्जायनाय

(□ 6 बिलाइआव)



बर’ थुनलाइ आफादनि सोद्रोमा रुंसारि बिस्वदा नार्जारिनि गोसोखांथिआव बिजाब बेखेवदों

तामुलपुर, 12 अक्टूबर: बर’ थुनलाइ आफादव थानानै गोबाव सम खामानि मावबोनाय, बर’ थुनलाइ आफादनि सोद्रोमा, तामुलपुर जिल्ला बर’ थुनलाइ आफादनि मोनसे मावबिबान समनि गाहाइ नेहाथारि, कुमारिकाता गुदि बर’ थुनलाइ आफादनि गाहाइ नेहाथारि महरै

(□ 5 बिलाइआव)



अरांआव मुलुगनाडारि हिन्जावसा सान फालिदों



उदालगुरि, 12 अक्टूबर: उदालगुरि जिल्लानि सिडाव थानाय अरंगि कलागुरु बिष्णु राधा फरायसालिमायाव मुलुगनाडारि हिन्जावसा सान फालिनाय जायो। थांन्या 11 अक्टूबरआव उदालगुरि जिल्ला आइजो आरो गथ’सा एबिसि पिरामल पाउण्डेसननि बान्जायनायव आरो मिसन सक्तिनि हेफाजाबआव खुंनय हाबाफारिखौ फरायसालिमानि गागि बिबुंगोर इंकु नाथआ बेखेवनानै होयो। हाबाफारियाव आइजो आरो गथ’सा मोन्थाइनि सोमोन्दै डिऐसइडब्लिट मौसुमि कलिताआ बिबुंथि लाखियो। हाबाफारियाव मिसन सक्ति उमेन एन्ड

(□ 5 बिलाइआव)

आदित्य खाख्लारिया जनजाति मान होनायनि गाहाइ आरो विगुमा नडा : बानेराम बर्मन ट्राइबेल संघनि गाहाइ नेहाथारि आदित्य खाख्लारिनि बिबुंथिखौ केएसडिसिआ सोंखारिदों

कक्राझार, 12 अक्टूबर: फैगौ बिधान सभा बिसायख’थिनि सिगां सिगां मोन 6 जनगस्तिखौ जनजातिनि मान होनायखौ लानानै राइज्योनि गुबुन ओन्सोलफोराव दुहाव थासारि सोमजिनाय समावनो ट्राइबेल संघआ मोन 6 जनगस्तिफोरखौ

(□ 6 बिलाइआव)



उदालगुरियाव साब नेसनेल इमुनाइजेसन डे फालिदों



उदालगुरि, 12 अक्टूबर: राइज्योनि गुबुन-गुबुन ओन्सोलजों लोगोसेनो उदालगुरि जिल्लायाबो दिनैनिफ्राय साब नेसनेल

इमुनाइजेसन डेखौ जागायजेन्नों। 14 अक्टूबरसिम खुंजानो गोनां बे हाबाफारिखौ रबिबाराव लोगो जिल्ला बेंगिरि सरप्राज हकआ बेखेवनानै होयो। उदालगुरि खोन्दो गुदि सावस्त्रि मिरुआव बान्जायनाय बे हाबाफारियाव राइज्योयारि नायसंगिरि डू रुनु बाला दास, लोगो गाहाइ सावस्त्रि बिबानगिरि डू मुक्तार हुसेइन, जिल्ला,

(□ 6 बिलाइआव)



मुसलपुर, 12 अक्टूबर: बर’ थुनलाइ आफादआ हांखोनि फाइखि रामदास बसुमतारिनि 22थि थैनाय सान आरो 15थि गोसोखांथि सानखौ बाक्सा जिल्ला मुसलपुरनि गोजोनपुरि पार्कआव दिने सानसेनि मेहेर गोनां हाबाफारिजों फालिनाय जायो। हांखोनि फाइखि रामदास बसुमतारिनि 22थि थैनाय सान

(□ 6 बिलाइआव)

एडभान्टेज आसाम 2.0 नि गेजेरजों आसामनि लाइमोनफोरनि थाखाय जापानआव फसंथाइनि खाबु सोरजिदों: गिबि मन्थि

गिबि मन्थि डू शर्माआ सिएम-फ्लाइट बिथांखिखौ बेखेवबाय

दिसपुर, 12 अक्टूबर: गिबि मन्थि डू हिमन्त बिश्व शर्माआ दिने गुवाहाटीनि गरसुकआव थानाय सा-सान्जा रेंगौथि मिरुआव बान्जायनाय मोनसे हाबाफारियाव मुलुगनाडारि सुबुं सम्फदनि थाखाय गिबि मन्थिनि गुबुन हादरारि राव सोलौंनयनि राहा (सिएम-फ्लाइट) खौ मोनसे हाबाफारिनि गेजेरजों बेखेवनानै होयो। बे बिथांखिनि गेजेरजों आसामनि लाइमोनफोरनो गुबुन हादरारि रावनि सोलौंथाइ होन्नानै गुबुन हादराव फसंथाइ मोननायनि थाखाय हारों थाइ मोनहोनाय



जागोन। गिबि थाखोआव आसामनि लाइमोनफोरखौ जापाननि राव फोरेंनायनि राहा खालामनाय जादों। हाबाफारियाव बिबुंथि लाखिनानै गिबि मन्थि डू शर्माआ फोरमायदोंदि, आथिखालनि दैथायहनाय आरो लाबोनाय थासारिनि सोमोन्दै फोरमायदोंदि, पेट्रल, डिजेलनिफ्राय जागायजेन्नानै गोबां मुवा बेसादफोरखौनो जौनि हादरा गुबुन हादरनिफ्राय लाबोयो। बेबायदिनो माखासे मुवा बेसादफोरखौ जौनि हादराबो

(□ 6 बिलाइआव)

कक्राझारआवबो हादतआरि थाखोनि पिलय’ थिका थुनाय हाबाफारिया जागायबाय

कक्राझार, 12 अक्टूबर: दुलाराय हादत आरो राइज्योजों लोगोसे कक्राझार जिल्लाआवबो पिलय’ साब-नेसनेल थिका थुनाय हाबाफारिया दिनेनिफ्राय जागायबाय। बे थिका थुनाय हाबाफारिखौ कक्राझारनि आरएनबि सिबिल देहा फाहामसालियाव मोनसे हाबाफारि खुंनयनि गेजेरजों बेखेवनाय जायो। दिने बे थिका थुनाय

(□ 6 बिलाइआव)



जुबिन गार्गखौ बुथारनायनि रोखा फिन्नायखौ थाबैनो होआब्ला गिखंथाव थासारि सोमजिगोन: दिपेन बर’ एबसुआ जुबिन गार्गनि जाथाइखौ सिबिआइनि गेजेरजों नायबिजिरसंनो दाबि दिख्दादों

कक्राझार, 12 अक्टूबर: देखोगिरि जुबिन गार्गखौ मानो मा जाहोननि थाखाय बुथारखो बे बाथ्राखौ राइजो-राजाफोर गोरलैथै मानिनानै लाया। मोनसे समाव राइजो-राजाफोर रोखा फिन्नाय मोनाब्ला गिखंथाव जाथाइ सोमजिनो हागौ होन्नानै दुलाराय बर’ फरायसा आफादनि आफादगिरि दिपेन बर’आ फोरमायदों। दिने कक्राझार मिरु एबसुनि गाहाइ मावख’ बड’फा भवनआव बान्जायनाय मोनसे खौरंगिरि मेलआव आफादगिरि दिपेन बर’आ फोरमायदोंदि, जुबिन गार्गखौ जैरेबायदि, थैनायनि मोखाडाव लानानै थांना बुथारहैंदों। बिनि नायबिजिरसंनया गोखैनो जानांगौ। दिने 23 सान बारलानायनि उनावबो आसामनि 3 कौटि 40 लाख राइजो-राजाफोर मिबथिनो

(□ 6 बिलाइआव)

SINCE 1982

DAS[®] JEWELLERS

J.D. Road Kokrajhar

LUCKY GOLD COIN DHAMAKA

बे दुर्गा फुजा आरो दनतेरासनि समाव 3 ग्राम आरो बेनि बांसिन सना बायोब्ला, सा 15 बायगिरिफोरा 1 ग्राम सना देहानायनि मोनसे खाबु मोन्नो हागोन।

25 सेप्टेम्बर, 2025 निफ्राय जागायनानै 20 अक्टूबर, 2025 सिम नोंथांनि केस मेम खौ लानानै नोंथांनि Lucky Draw Coupon खौ लांफें आरो सना देहानायनि मोनसे मोजां खाबुखौ ला।

This Durga Puja and Dhanteras, on Purchase of Gold Ornament of 3gms and above, 15 Purchasers gets a chance to win 1 gm Gold Coin Each.

Starting From 25th September, 2025 to 20th October, 2025. Collect your Lucky Draw Coupon along with your cash memo and stand a chance to win gold.

Ph: 03661-355618, Cell No.: 8876631728

सुजुगिरिनि खोलोम

मैखुननि गोनांथि आरो मुलाम्फायारी आबाद

मैखुना सुबुं देहानि थाखाय गोनां बेसात। मैगं हारिनि बे मैखुनाव गोबां बिबांनि प्रटिन, भिटामिन बाइदि बेसातजों आबुं थानायखायनो मैखुना गासै थाखोनि थाखाय बाहाय जानो हाथाव। सुबुं देहायाव नांनय गोनां मुवाफोरनि गेजेराव मैखुननि बान्जायनाया बयनिखुइबो सिगां होन्नानै बुंनंगोन। मैखुना बर'फोरनि जाथोसे मोजां मैगं। अदेबानि सम सम मैखुन जानानै मानसि थैनाया आधिखालाव आसामनि थाखाय गोदान खौरां नंलिया। जाग्राया जादों मिथिनानैबो-थैग्रायाबो थैयो जानानै गाव मिबथिसाब्ला जासे। खौरांबो ओंखारफ्लायो मैखुन जानानै थैनाय। अब्लाबो नागारा मैखुननि हाबिला। नाथाय खोनाफेरें, जाफेरें जाथायबो जानानै फैयो साम' जानानै थैनायनिबो खौरां।

जाथाया मुजिथाव खहाबगोनां आरो गिखंथावबो जानानै फैयो बर'फोरनि थाखाय। गामिल' नङ टाउन-सहर जेरावबो गोसारद्लानानै थानाय बर'फ्रा जगार खालामनानैब्लाबो बोथिसे साम'-सबाय, साम'-अनद्लानि ओंखि आरो मैखुन-अनद्ला, एडनाय, मैखुन-मैथा, अमा-मैखुननि लाब्रा जानाया आधिखालनिल' बाथ्रा नङ, गोदो गोदाय आजै-आजौमोननि समनिफ्रायनो बर'फ्रा बे थाखोनि मैगं-थायगं जाबोदों आरो जागासिनोबो थायो। नाथाय खैफोदनि बाथ्राया जाहैदों-बेखौ सिनाइनै जानो रोडैयाव। मैखुन जानो मोजां मोनोब्लाबो बर'फ्रा गोनोखो आदबजों बाङाइ सम आरो बाङाइ खरसा गारनानै मैखुन आबाद खालामनानै जानायाव नाथाय दैलो। आधिखालाव जायगा लायै जायगा मैखुन आबाद खालामनानै फालांगि खालामनो एबा जानो थाखाय बिफानारीनि जोहै जोलै बेगर बुथुमनानै बे आबादखौ मावनायनि गोरलै खाबु आरो राहा दसै। जोंनि बि टि सि हालामनि दाब-दाब जायगाजों लोगोसे गसाइगावआव दुलाराय बर' आबादारि आफातनि बान्जायनायाव मैखुन बेगर दिहुन्नायनि थाखाय लेबरेटरीनि गेजेरजों मैखुन फसंबाय। बे लेबरेटरी जोलैखौ एग्रे-बाग्रे मोनफुंनो हासिगोन। बेनि गेजेरजोंनो-मैखुन आबाद दिखानानै बेनि आंखाल फोलोमनायजों लोगोसे फालांगियारी बिथिडैबो आबाद दैखानो गोरलै जानानै फैबाय। बेफोर आदबनि गेजेरजोंबो नांनाइसेबां मैखुन दिहुन्नानै गावनि नांगौखौ फोलोमनायजों लोगोसे गुबुनफोरनोबो फालांगियारी आदबै मैखुननि साहिदाखौ सुफुंनो हायोब्ला रांखावरी फासैबो एफा एनै हुंखा फोलोमनो हागौ आरो गिनांगौबो थाहैनाय नङ।

दिनैनि फान्जामुधि

राशि बाइदियै मुंनि गिबि हांखो

मेघः अ ल	बुषः ऊ ब (उ ए इ)	मिथुनः क छ (ङ घ)
कर्कटः ड ह	सिंहः म ट	कन्याः प ठ (ण ष)
तुलाः त र	वृश्चिकः ब न	धनुः ध भ (ढ़ फ)
मकरः ख ज	कुम्भः ग श (स)	मीनः द च (ख ञ झ)

मेघः

माबा मोनसे गोदान खामानि मोन्नायनि आसा दङ। बे राशिनि थाखाय गाहाम सान।

बृषः

मोजां रोंग'थिनि थाखाय सन्मान होजानो मोनगोन। गोजोन्नाय मोनगोन।

मिथुनः

सोरबा सासे आंगो लोगोआ गोमानो हागौ। गोसोखौ दुखु मोनगोन।

कर्कटः

जेखि खामानि मावा धोनखौ बांहोनो हागोन। जैरेबो मुलाम्फा मोनगोन।

सिंहः

मोजां हाबा मावनानै थुलुंगानाय फैगोन। फारफ्रोमबो मोजां।

कन्याः

गावनि रोंग'थिखौ फोरमायनानै लानो हागोन। बाख्नाय जानो मोनगोन।

तुलाः

बबेबा गोजान जायगायाव दावबायनानै गोजोन्नाय लानो हागोन। मोजां सान।

वृश्चिकः

जेखियानो जाया नख'रनि गोथार हाबा मावनो हागोन। बे राशिनि थाखाय गाहाम सान।

धनुः

बायदिसिना जेंनाखौ लानानै जिंगा सिनांगोन। गोसोखौ शान्ति मोन्नाय नङ।

मकरः

बायदिसिना खैसार खालामजानो हागौ। जैरेबो सांग्रां जानांगोन।

कुम्भः

गावनो गाव मोजां खामानि मावनानै गसंथानो हागोन। फारफ्रोमबो मोजां।


मीनः

जेखि जाया मोजां खामानि मावलांनो हनानै थुलुंगानाय मोनगोन। गोजोन मोनगोन।

चीन सिमनायाव सांग्राडै थानाया जोबोद गोनांथारः सिडिएस अनिल चौहान

देहरादुन, 12 अक्टबरः उत्तराखन्डनि सिमनाफोरा आधिखालाव गोजोनैनो दङ। नाथाय चीन सिमनाखौ लानानै सांग्राडै थानाया जोबोद गोनांथार। उत्तराखन्डआव चीनजों लोगोसे 350 कि:मि: आरो नेपालजों 275 कि:मि: सिमना दङ। बेजों बे राइज्योआ रैखाथिनि बिथिडाव सांग्रांथि आरो सोलोखान्थि महरै मख'जाथाव जायो। भारत आरो चीननि गेजेराव माखासे सिमना ओन्सोलफोरखौ लानानै जेंना दङआरो उत्तराखन्डनि बाङहती ओन्सोलावबो सिगाडव बेबादि थासारिफोरखौ नुनो मोन्दों। बेनिखायनो सिमनाखौ नोजोर लाखिनाय आरो सांग्रांथिआव

पाकिस्तानाव 5.0 गोख्रैथिनि बांग्रि मावदों



गोदान दिल्ली, 12 अक्टबरः माहारियारि बांग्रि बिगियान मिरुनि बायदिब्ला, थानाय शनिबारखालि पाकिस्तानाव 5.0 गोख्रैथिनि बांग्रि फैयो। आधिखालाव बे बांग्रियाव जेबो रोखोमनि ख'हा जानायनि जेबो खौरां मोन्नाय जायखै। एनसिएसनि बायदिब्ला बांग्रिया 10 कि:मि:नि गोथौथियाव फैयो, जायजों बांग्रिनि उनाव मावखानायनि अलखदआ थाबाय थायो। पाकिस्तानाव 5.0 गोख्रैथिनि बांग्रिनि उनाव सुबुंफोरा गिनानै न'नि बायजोआव ओंखारबोदों। बेनि सिगां थानाय 5 अक्टबराव पाकिस्तानाव 4.6 गोख्रैथिनि बांग्रि फैदोंमोन। मख'नो गोनांदि, पाकिस्तानआ मुलुगनि बांग्रि मावग्रा महरै एक्टिभ हादतफोरनि गेजेराव दरसे, जेराव माखासे गिदिर बांग्रिफोरा मावबाय थायो। पाकिस्ताननि बलुचिस्तान, खैबर पख्तुनख्वा आरो गिलगित-बल्तिस्तान बायदि ओन्सोला इउरेशियान प्लेटनि खोला सेराव दङ आरो सिन्ध जायजों बेयाव सम-सम बांग्रि फैबाय थायो। बलुचिस्तानआ आर'ब आरो इउरेशियान टेक्टनिक प्लेटफोरनि गेजेराव एक्टिभै सिमना खाथियाव दङ।

मेघालयनि उमसिं मार्केटआव मोन्नाय आइइडिखौ पुलिसा रैखाथियै सिलिंखार खालामबाय

गुवाहाटी, 12 अक्टबरः मेघालयनि रि-बड़ जिल्लानि उमसिंनि मार्केटआव आइइडि मोनो आरो बेखौ रैखाथियै सिलिंखार खालामो होन्ना पुलिसा रबिबारखालि फोरमायो। अट'रिस्टिफोरा थानाय शनिबार खालि बेलासियाव मार्केटआव मेघालय ग्रामीण बैंकनि सिगां मोनसे परिसराव सन्देह' खालामथाव बेरफ्रुग्रा बेसादजों बुंफबनाय मोनसे बेग मोनो होन्ना पुलिस एसपि बिबेकानन्द सिंहआ बुडो। मोनसे बम सिनायथिग्रा आरो सिलिंखार खालामग्रा दोलो (बिडिडिएस) जों लोगोसे मोनसे के-9 आफादखौ लिडो आरो बिसोर आबुडै नायबिजिरनायनि उनाव बेरफ्रुग्रा बेसाद थानायनि खौरां होयो। बिडिडिएस टिमआ आइइडिखौ सिलिंखार खालामनायाव जाफु'सारनो हादों। सिंहआ फोरमायोदि, नायबिजिरनायाव मोन्नाय जायोदि, बे डिभाइसआव 4.7 किल'जिलेटिन, 10 डेटेन्टर आरो गासै न'नि 50 लहानि रडफोर दङमोन, जायफोरखौ थुखाफोर महरै बाहायनाय जायोमोन। बे गासै मुवा बेसादफोरखौ गोनांथि जानाय बायदियै सांग्रांथियै फालिनानै रैखाथियै जब्द' खालामो। अपरिशननि समाव



गुरुं जानो नाङ। चिफ अफ डिफेन्स स्टाफ(सिडिएस) जेनेरेल अनिल चौहानआ बे बाथ्राफोरखौ देहरादुनआव खुंनाय देवभुमि मेगा एक्स सार्थिसमेन रेलीआव बुडो। बिथाङ बुडोदि, उत्तराखन्डनि सिमनायारि गामिफोरनि सुबुंफोरा हादरनि सिमनायाव नेग्रा बायदि सिडिएसआ

बुडोदि, सिमनाफोरनि रैखाथिनि बिबानआ सान्थिफोरनिल'नङ, बबेखानि सिमनायाव थानाय गामिफोरनिबो जायो। अदेबानि उत्तराखन्डनि गोम्गाथाव जारिमिन दङ बेयावनि सुबुंफोरा जेब्लाबो सिमनाफोरनि रैखाथियाव गावसोरनि बिहोमा होयो।
इम्फल, 12 अक्टबरः हारिमायारि हिन्जावसा सान 2025 नि खाबुआव भारतयारि सान्थिफोरा सा 300 फरायसाफोरनो बायदि बिथिंफोराव गोहो गोरायै मख'जाथाव थांखिफोरखौ फोसावनो थाखाय सेनिटारि किट होदों। भारतयारि सान्थिनि रेड शील्ड डिभिसनआ कस्तुरबा गान्धी बालिका विद्यालय (कजिबिभि), एन्ड्र, इम्फल इस्ट जिल्लानि हेफाजाबजों शनिबार खालि गावसोरनि स्कुल परिषराव बे सानखौ फालियो। स्कुलनि प्रिन्सिपाल रानी रसआ फरायसाफोरखौ जौगाखां आरो हरियारि जौगाखानाय बिथिंआव भारतयारि सत्रिनि गोख्रोडै मदत होनायनि थाखाय साबायखर बाउयो आरो सोलोंथाइ, फोजाखानाय आरो दैदेन्नायनि गेजेरजों हिन्जावसाफोरखौ गोहो गोरा खालामनाय थांखिखौ

सनालि घषआ आइइउसिएन केन्टन मिलार बान्था देरहादों

गोदान दिल्ली, 12 अक्टबरः काजिरङ नेसनेल पार्क आरो टाइगर रिजार्भनि ओन्सोलारि बिथोनगिरि ङ सनालि घषआ आबु धाबिआव खुंनाय आइइउसिएन मुलुग सैरेखाथि जथुम्मायाव नेसनेल पार्कफोर आरो सैरेखाथि ओन्सोलफोरनि थासारिआव गोदानै दिहुन्नायनि थाखाय मुंदांखा डब्लिउसिपिए-केन्टन मिलार बान्था देरहाग्रा गिबि भारतयारि जायो। मख'नो गोनांदि, बे बान्थाखौ बै सुबुंफोरनो होनाय जायो, जायफोरा मुलुगनाडैनि नेसनेल पार्कफोर आरो सैरेखाथि ओन्सोलफोरनि बिथिडाव



गावनि गिदिर बिहोमा होदों। ङ घषनो बे सन्मान होनाया जिव-जुनात सैरेखाथि आरो नेसनेल पार्क फोरखौ सामलायनायाव भारतनि दैदेन्नाय बांनयखौ दिन्थियो। बिथानि खामानिआ पार्क सामलायनायखौ गोख्रों

खालामनो, संरैखाथि होनो नाजानायफोराव जायगानि फोलेरफोरखौ सोफानाय आरो गाहाम आबहावाआव दावबायनाय मडेलखौ बांहोनायनि सायाव मिरु खालामनाय। बेयो आबहावा सैरेकाथि आरो गोगो जिउ खानाय मोननैखौबो रोखा खालामो।
मख'यो। बिथाङ बे बाथ्रानि सायावबो गोनांथि होयोदि, बेबायदि थांखिया रैखाथिखौ खालामजासिमल' सिमना गोनां नङ। बबेखानि बियो लाइमोन हिन्जावसाफोरनि गेजेराव गावखौ फोथायनाय आरो थांखिखौबो गोख्रों खालामो। मेज मेमथइ ख (रेटायार्ड) नि गेजेरजों होनाय जर'खा सोलोंथाया केरियारनि लामा दिन्थिनाय, गोसोयारि सावस्त्रि आरो गोग्गो देहानि सायाव मिरु खालामनायमोन।

पाकिस्तानआ आफगानिस्ताननि गुबुन हादतआरि मन्थि आमिर खान मुत्तकीनि भारत दावबायनायखौ खुद्रिखांदों

गोदान दिल्ली, 12 अक्टबरः आफगानिस्ताननि गुबुन हादतआरि मन्थि आमिर खान मुत्तकीनि भारतआव दावबायनाया लान्थ्रियै खोरङाव थादों। दरनै हादतनि गेजेराव मोन्नै दोलोनि बाथ्रा सावरायलायनार्यनि उनाव भारत आरो आफगानिस्तानआ मोनसे बिबुंथि फोसावदोंमोन, जेराव जम्मु काश्मीरआ भारतनि मोनसे बाहागो होन्ना मिबथि होनायाव पाकिस्तानआ हेंथा होदों। पाकिस्ताननि गुबुन हादत माख'आ आफगानिस्ताननि बे आगान सुरनायखौ सावरायनानै बेखौ जुथाय हादत रैखाथि आफादनि नेम-खान्थिखौ सिफायनाय होन्नानै मिबथि होदों। अदेबानि



आफगानिस्ताननि गुबुन हादतआरि मन्थ्रिया जम्मु काश्मीरनि पेहेलगामआव 22 एप्रिलखालि जानाय उतखारि गाग्लोबनायखौबो गोख्रोडै सोंखारिदों, जेराव सा 26 दाय गैयै नोगोरारिफोरखौ थांखि बानायनाय जादोंमोन। भारतीय गुबुन हादतआरि मन्थ्रि एस जयशंकरआ बेनि थाखाय आफगानिस्तानखौ साबायख'र बाउहरदों। नाथाय

पाकिस्तानआ बेफोर गासिखौबो नुनानै मेगन सानो जागायदों। पाकिस्तानआ आफगानिस्ताननि गुबुन हादतआरि मन्थ्रि आमिर खान मुत्तकीनि भारत दावबायनायखौ खुद्रिखानाय फोरमायदों। बेराफार्से आफगानिस्ताननि गुबुन हादतआरि मन्थ्रिआबो आफगानिस्तानआव जोबनो गैयै बम बेरफ्रुहोनायनि थाखाय पाकिस्तानखौ दाय जाबसिन्दों।
सुबुंफोरनि जिउ खहा जानाय खौरां मोन्नाय जादों। फारसेथिं माखासे सुबुंफोरा दासिमबो गोमानानै दङ। मख'नो गोनांदि, 6-9 अक्टबरसिम मेक्सिकआव गोबां अखा हानाया सिलिंखार खालामदों। बेनि गिखंथावसिन गोहोम गोलेलैनायखौ थावनि थाखाय मुंदांखा जानाय पज रिका सहरआव नुनो मोन्दों। मेक्सिकनि राजथावनि मेक्सिक सिटिनिफ्राय 275 किल'मिटर गोजानाव थानाय पज रिकायाव दै दाहारजों माखासे सुबुंफोरा बुखारलांजादों, जायखौ नायबिजिरनाया दासिमबो सोलिगासिनो दङ।



बायग्रबदों। शनिबारखालि दैमानि दै बोहैनाया खम जानायनि उनाव लामाफोरनि दैआ रानलाङो। नाथाय दै बानाजों सिलिंखार जानाय नुथायखौ दासिमबो नुनो

मोनो। कारफोरखौ बिफांफोराव दिन्दाना थानाय नुनो मोन्दों। अदेबानि गंसे बोखानो मोन्नाय ट्रकनि सिङाव गरायनि सहबो मोन्दों। गोबां अखा हानायनि

जाहोनाव मेक्सिकनि माखासे ओन्सोलफोराव थैनायनि अन्जिमायाबो लान्थ्रियै बांगसिनो दङ। मिरुआरि आरो खोला मेक्सिकआन सा 41

रैखाथिनि फाइखि ट्रपि-2025 गामियारि जोलुर बादायलायनाया जोबलांबाय

खोला बारघ 'र रिंखां क्लाबखौ फेजेन्नानै कान्थालगुरि बारगलां आफादआ सेम्पियन

सालाकाति, 12 अक्टबर:

सालाकाति दख'रा एबसुनि बान्जायनायाव खुंनाय रैखाथिनि फाइखि ट्रपि- 2025, खुंगा 5थि गामियारि जोलुर बादायलायनायाव कान्थालगुरि बारगलां आफादआ 2-1 गलनि फारागथियाव खोला बारघ'र रिंखां क्लाबखौ फेजेन्नानै चेम्पियन जानो हाबाय। बे गेलेनाया थानाय 08 अक्ट'बर खालि जलफाइगुरि अरलंबार क्लाबनि गेलेग्रा फोथाराव जागायदोंमोन आरो दिनैन नारा1-नाथा जुजिलायनाय जोबथा बादायलायनायाव कान्थालगुरि बारगलां आफादआ देरहासार बान्था एबा चेम्पियन जानो हानानै नोगोद 10 रोजा रांजों लोगोसे ट्रपिखौ मोननो हायो। बेनि अनगाथै नैथि बान्था एबा राननार-आफ बान्थाखौ खोला बार'घर रिंखां क्लाबआ नोगोद 7,000 रोजा रांजों लोगोसे ट्रपिखौ मोननो हायो। लोगोसे साबसिन गेलेगिरि बान्थाखौ कान्थालगुरि बारगलां आफादनि जार्सि नं. 2 बिष्णु बसुमतारिआ नोगोद 1,000 रांजों लोगोसे ट्रपिखौ मोननो हायो। मख'नो गोनांदि, दिनै जोबथा बादायलायनायनि गेवलां मेलखौ आफादनि मासि लानानै दैदेनो सालाकाटि दख'रा एबसुनि आफादगिरि दनेन नार्जारी बिथाछ। बे हाबाफारियाव मिरु एबसुनि लोगो आफादगिरि खोरोमदाव औवारी बिथाछ गाहाइ आलासि महरै बाहागो लानानै बेसेन गोसा

मानास माहारियारि पार्कआव मासे गान्दाया दावबायारिनि गारिखौ होसोदों



मानास, 12 अक्टबर: मुलुगनां सरैखाथियारि ओन्सोल मानास माहारियारि पार्कनि बासबारि रेन्जआव दिनै दावबायारिफोरनि गंसे गारिखौ मासे गान्दाया होसोनायनि गिख्ंथाव जाथाइ जानायनि खौरां मोन्नाय जादों। मख'नो गोनांदि, मानास माहारियारि पार्कनि बासबारि रेन्जनि गाहाइ हाबग्रा दरखंनि साखाथियावनो दावबायारिफोरनि गारिखौ होसोनाय जाथाइआ जादों। साननि समाव बासबारि रेन्जनि गाहाइ हाबग्रा दरखंनिफ्राय 1 किल'मिटरसो जान्थाइआव दावबायारिफोरनि मोनसे हान्जाया गंसे जीब सापारिजों दावबायलांबाय थानाय समावनो मासे बेसेबा गिदिरि गान्दाया उन उन होसोबाय थायो। गारि सालायगिरिया जीबसि गारिखौ गोख्रों गोख्रैथिजों सालायनानै बासबारि रेन्जनि गाहाइ हाबग्रा दरखं मोखांसिम लाबोदोंमोनब्लाबो गान्दाया गारियाव थानाय दावबायारिफोरनि हान्जाखौ गुबै हाबग्रा दरखंसिम होसोबोयो। बासबारि रेन्जनि गाहाइ हाबग्रा दरखंआव बिबान सामलायबाय थानाय मानास हाग्रा रैखाथियारि रैनियाआ लाथिख'आव गुलि गावगारसानै गान्दाखौ होखारहरनो गोनां जायो। मख'नो गोनांदि, बे जाथाइआव रावबो दावबायारिफोरा जेबो खहा जायाखै।□

(□ 1 बिलाइनिफ्राय)

अरांआव मुलुगनाडारि हिन्जावसा सान फालिदों
साइल्ट वेलपेयारनि माइनावसि बर' आरो एबिसि पिरामल पाउण्डेसननि जिल्ला प्रग्राम लिदार मरमि दैमारिआ हिन्जावसाफोरा समाजआव माबोरै सोलायनाय लाबोनो हायो बेखौ लानानै हिन्जावसा आरो आइजोफोरनि गेजेराव समाज सोलायनायनि सोमोन्दै बिबुंथि लाखियो। बेजों लोगोसेनो पिरामल पाउण्डेसननि गान्धी पेलआ माखासे सल' फोरमायथिनानै हिन्जावसाफोर आरो आइजोफोरा माबोरै समाजनि थाखाय खामानि मावलांनो हायो बेनि सायाव बिबुंथि लाखियो।□



बिबुंथि लाखियो आरो जोबथा जोलुर बादायलायनायखौ किकअफ खालामनानै होयो। बे हाबाफारियाव मिरु एबसुनि मावख' नेहाथारि रोदोम बसुमतारि, कक्राझार जिल्ला बर' बिमा गौथुमनि सोद्रोमा मुश्रीमा कबिता ब्रह्म, सालाकाति दख'रा बर' समाजनि आफादगिरि महथ बसुमतारि, सालाकाति गुदि ट्राइबेल संघ'नि आफादगिरि जौलारि बसुमतारि, सालाकाति गुदि बर' थुनलाइ आफादनि लोगो आफादगिरि कृपामय ब्रह्म, रैखाथिनि फाइखि राजु बसुमतारिनि आंगो बिदा सनजित बसुमतारि, रैखाथिनि फाइखि रमेन मुसाहारिनि आंगो फंबाय इन्द्र मुसाहारि, असे बिबाजै अनजालि मुसाहारि, सालाकाति गुदि बर' थुनलाइ आफादनि बोसोनगिरि प्रमदसिं बसुमतारि, सालाकाति गुदि बर' थुनलाइ आफादनिनो बोसोनगिरि सरबेस्वर ब्रह्म आरो सालाकाति स्पर्ट'स प्रम'टार ससाइटिनि नेहाथारि सुद्धानंद बसुमतारि, सालाकाटि दख'रा बर' आइजो अन्साइ आफादनि नेहाथारि हरिस्वरी बसुमतारि लोगोसे सालाकाति

दख'रा गाम्बारि फाइखि हान्जानि आफादगिरि जमुना बसुमतारि, लेङइ आफादगिरि बोहैथि बसुमतारि, लेङइ गाहाइ नेहाथारि रेका रानि इस्लारि, सालाकाति दख'रा एबसुनि बोसोनगिरि आनान औवारि, सालाकाति दख'रा एबसुनि लोगो आफादगिरि खोमथा नार्जारि, लोगो आफादगिरि करन' बसुमतारि, सां-सां

सुंद'सल' अमर उजिर

सरसनस्रायै आजिखालि हाबाफोराव अखानायैसो हाबाथिलियाव मानसिनि बिहिर जायो। अब्लाबो एसेआवनो साफा सानै फैहांबाय। खामानियाव दायथ' थानायफोरा गाव गावनि खामानियाव बेसथ' जानानै फैबाय। हौवा गोदान महरै अलकआबो आखायाव गय बाथा लानानै थुवरु जानाय आलासिफोरजों लोगोसे फंफ्रा फंनै बाथ्रा रायज्लायनानै गिदिंदों। हाबा थिलियाव मानसि फजनायनि दायथखौ लादों अलक बिबथैनि फिसाज्ला मिलनआ। बिदा फंबायब्लाबो बिसोर सानैबो जेन गुबुनसो। सासेनि हाथायाव ओंखाम गरसे नान्ब्लाबो सासेया ह मदांनो हायोमोन। बिब्दिनोमोन बिसोरनि सोमोन्दोआ। नाथाय अलकनि हाबायाव मिलनआ जेसेबां रंजानांगौमोन एसेबां रंजानो हायाखिसै। माबा मोनसे बनि गोसोआव दुखु बेरखांदों। हरखाबै मिलनआ नुबाय आखायाव मोनसे फिसा बेग लानानै सासे सिख्ला हाबा थिलिजों हाबबोनय। गान्नायाव गांसे गोमो दावदै दखना, जोमग्रा गोजा, थाबायनाया गोसो गिलिरि, सिनायनाय-सिनायनाय बायदि मोन्दोंब्लाबो सोर बैयो, बियो गोजान्निफ्राय सिनायनो हायेयव सिगांलांबाय सिख्लानि फोरसे। मिलनआ खाथिआव मोनब्ला सिख्लायानो सिगां रायदावग्रोबाय-

(□ 1 बिलाइनिफ्राय)

बर' थुनलाइ आफादनि सोद्रोमा रुंसारि बिस्वदा नार्जारिनि गोसोखांथिआव बिजाब बेखेवदों

गोलाव सम खामानि मावबोनय तामुलपुर जिल्ला चेचापानि पलाचगुरि गामिनि बिस्वदा नार्जारिआ बेरामजों भुगिनानै थानाय 10 एप्रिल, 2025 अक्टखालि हरखाबै रुंसारि जालांदोंमोन। फोरोंगारि महरै खामानि मावनायजों लोगोसेनो बर' हारिनि राव, थुनलाइ, समाज जौगाथयनि बायदि खामानियाव गोबां बिहोमा होबोनाय बिस्वदा नार्जारिआ 1968 माइथयनि मार्च दाननि 1 खालाराव जोनोम जादोंमोन। रुंसारि बिस्वदा नार्जारिआ बालदेश, मालद्रीप, म्यानमार, थाइलेण्ड, भुटान, जापान, नेपाल बायदि हादतफोरावबो दावबायनानै मोननाय रोंगौथिफोरखौ मेगाजिन आरो बर'नि खुगा लाइसिफोराव फोसावबोदोंमोन। बिथानि बर' हारियाव बिहोमा होबोनाय बायदि रोंखोमनि मावथाय खामानिफोरखौ फोथानानै लाखिनाय थांखिजों बिथानि असे फंबाइ आधिखालनि बिटिसिनि एमसिएलए बिजितगोरा नार्जारिनि बान्जायनायाव “रुंसारि बिस्वदा नार्जारि गोसोखां बिजाब” गांसे बिजाब सेबखानानै बेखेवनाय जायो। बर' थुनलाइ आफादनि लोगो आफादगिरि प्रसान्त बर'आ बे बिजाबखौ बेखेवनानै होयो। बेजों लोगोसेनो साहित्य एकाडेमि बर' सुबुनारि आफादनि सोद्रोमा करुवा कान्त ब्रह्मआ गाहाइ आलासि आरो थांखिजानाय आलासि महरै तामुलपुर बियाबनि एमएलए जलेन दैमारिआ बाहागो लायो।□

जाफुडैनि हां बोनाय

:माब्रै दं मिलन ? आदा अलकनि हाबाया दिनैनो नडा होनलाय ? मिलनआ सोमोनांबाय। बियो माथो बिबारिसोलाय। नाथाय अलकआनोथ बिसोरनो हाबानि खौरां हराखै होन्नानै बुंदोंमोन। नाथाय....। एसे गुरै जानानै बियो फिनबाय- : नंगौ, नाथाय नों.....। थादबाय मिलनआ। : जाथावयै बायदि मोन्दों नडाना मिलन ? बाथ्राखौ बुंनानैनो एसे मिनस्लुबाय बिबारिया। नाथाय बे मिनिनायनि सोदोबथिखौ बुजिबाय मिलनआ। आरो जेबो बुडबालानो बियो फै बिबारि होन्नानै लिंलांबाय बिबारिखौ। मिलनजों उन उन थांफाबाय बिबारिया। हाबा थिलियाव हाबनानै बेवहायनो जिरायनोसै होन्नानै सारि सारि साजयनानै दोन्नाय मासि गंसेयाव जिरायबाय बिबारिया। बिबारि जिरायब्ला मिलनआ आदा अलकखौ थिनहरनोसै होन्नानै सिडव हाबलांबाय। बिबारि ब्रह्मआ गोजौ थाखोनि सुसान्ट ब्रह्मनि फिसाजो सासेल'। सामेसरआ बिबारिनि बिदा। बै सामेसरनिनो लोगोमोन अलक नार्जारिया। लोगो हिसाबै मोनैबो नखरनि गेजेराव थालांनयान फैलायनाय दडमोन आरो बे थांलाय फैलायानो अलक आरो बिबारिखौ खाथियाव लोगो मोनलाय होदोंमोन। अन्नाय-

मोजां मोन्नायखौ मिथिनो रोडै बिबारिया अलकनि अन्नायाव बोनथेजादोंमोन। सानैबो सानैजों मोजां मोनलायदोंमोन गोथौयै। सिरियैनो बिसिनि मोजां मोनलायनाया माखासे बोसोर बारलांबाय। नाथाय बिसिनि थार मोजां मोनलायनायनि गनायथि मोनैनि सिगांनो जुरिजेनबाय बारहुंखाया। बे बारहुंखाजों बिसोरनि मोजां मोनलायनायनि सनानि न'आ बायनो नागिरबाय। बिबारि बिफाया बिसोरनि मोजां मोनलायनायनि सोमोन्दै मिथिनानै गोखों रावजों सोंखारिबाय अलकखौ, आरो नैथि खेब जाहाथे अलकजों रायलाय बावनाय नुबा बनि खालामनो हायाखिसै। दुखु आरो जारलाजों बायफलेबाय बिबारिया। अलकनि अनगाथै बिबारिहा सोदोबथि गैया। थेवब्लाबो बियो बिफानि अबाध्य जानो गोब्राब। बिनिखायनो अलकनि अन्नायखौ गोबानानैनो बियो बिफानि खोथा मानिनानै अलकखौ लिंहरनायो बन्द खालामबाय। नाथाय बनि थाखाय बिहा बेसेदि खस्थ जादों बेखौ गुबुना मिथिया। जायखौनाखि अलकआबो बुजिआखिसै। अलकआबो बिबारिनि बिब्दि सिरियै थानायखौ गोरलैयै लानो हायाखिसै। थांनायखौ खमायबाय। फारसेथिडै बिबारिया गोबाव सम अलकखौ फैनाय नुयैनि सानसे सोदयै बियो अलक मोन्नाव थांबाय आरो बि थाडैनि जबाब बिबाय। अलकआ बुंबाय- बिबारि गोजौ थाखोनि हिनजाव जानानै मानो गाहाय थाखोनि हौवा सासे नोंसिनि न'आव थाडैनि जबाब नागिरदों ? मा मुलाम्फा जानो नोंहा। थादो बिबारि, आंजों खोथा रायलायब्ला नोंनि एबा नोंनि बिफानि बंसनि मानआ फिसा जागोन। बिनिखायनो बिफानि खोथा मानिनानै सोरबा गोजौ थाखोनि संग्राजों लोगोसे संसार जानायनि खोथा सिन्था खालामदो।

: आदा अलक, एफाबां सम नों आंखौ बुजिनो हायाखिसै। फोथायनो हायाखिसै। नोंखौ

फिसौला आरो फिसौजोआनो बिबैखौ बुथारदों

बासुगाव, 12 अक्टबर: चिरां जिल्लानि बासुगाव सहरनि साखाथियाव थानाय कसुथला गामियाव मोनसे गिख्ंथाव बुथारनाय जाथाइ सोमजिदों। हादराव सोलिबाय थानाय आइन राहाखौ आसि बिमा दिन्थिनानै फु'नि 9:00 रिंगायाव सोमजिनाय बे गिख्ंथाव बुथारनाय जाथाइखौ पुलिसनिफ्राय लाखुमानानै मोनासिम गामियारि बिसार खालामनानै सरासन्ता जिउ गोमानायनि महर होनो नाजादोंमोन। नख'रनि इसेल' नांलायनायखोनो मिरु खालामनानै फिसौला आरो फिसौजोआ गावसोरनि बुरि बिबैखौ बुयै बुयै जिउ फोजोबदों। जिउ गोमानाय बुरि आइजोनि मुंखौ रंजिया बेवया (80) होन्नानै मिथिनो मोन्नाय



जादों। बुथारनाय जाथाइ खालामनायनि अजदखौ फिसौला पयजल हक (25) फिसौजो मरियम आरो ममताजनि हेंथायै सिखांदों। बुथारखानायनि उनाव फिसौला आरो फिसौजोफोय जाथाइखौ दोनखुमानो नाजादोंमोन। बे गिख्ंथाव बुथारनाय जाथाइखौनो 12 घन्टासिम लाखुमानानै कसुथला गामिनि सरकारि गामि गोरा साबथार आलि मियाजों लोगोसे कसुथला गामिनि

माथबरफोरा बुथारग्रा हान्जाखौसो रैखाथि होनो साखा-फारा जादों। खौरां बिजोंनि मावफारियाफोरा बुथारनायनि खौरां मोन्नानै पुलिसनो खौरां हरनायाव बासुगाव थानानि पुलिसआ कसुथला गामियाव नुजाथिहैनानै गुदि नायसंनायखौ जागायजेनो आरो गोथै देहाखौ बोखानानै देहा आन्जाद नायनो थाखाय काजलगवनि जेएसबि सरकारि फाहामसालियाव दैथायहरो।□

नागिरनानै मोन्नो बियो। जोबनायाव बिमानि खावलायनाय एंगारनो हायैनि हाबा जानो राजि जाबाय। मा सोमोनां थाव, अलकनि हाबायाव बिबारिया नुजाथिफै बाय। अलकआ नसिनिफ्राय ओंखारबोबाय। अलकखौ नुनानै गोमोनाय बायदि मोखाडाव नायगोमोबाय बिबारिया। बिबारिखौ खाथियाव मोन्नानै सोमोनांनानै थादबाय अलकआ।

: मा जाखो आदा ? सोमो नांदों नडाना ? हौवा गोदान महाराव नाथाय नोंखौ जोबोर समयना नुदों। बेगनिफ्राय मोनसे फिसा पेकेट दिहुन्नानै बिबारिया अलकनो होबाय आरो बुंबाय-

: लादो आदा, नोंनि गोथार सानाव आंनि फिसा आसिरबाद। : बिबारि नों थारैनो सोमोनांथाव। बहा थाखोमानानै थायामोन एफा गोबाव। थंखौथ अन्थ'थ बिन्थाहरनांगौमोन। : बिन्थाहरनो हागौमोन। नाथाय गोसोआव सान्नानै थानाय थंनि मुल्य जाय होनो हायाखिसै, बियो लेखा बिलायाव लिरनानै हरनाय थंनि मुल्यखौ मा होनो आदा।

: आंखौ आरो लाजि दाफोनांसै बिबारि।

: लाजि फोनाडखै, थार बाथ्राखौसो बुंदों। आं थानोसै।

: जेबो जायाबालानो थानोसै नामा ? दिनै थालांदो।

: दिनै थानो हाया, बेनो थोजासे आंनि थाखाय। आंथ लिंहरजानाय आलासि नडा।

बाथ्राखौ बुंनानै सिखारबाय बिबारिया।

: आं थानोसै आदा, गोसोखां माब्लाबा। थांफिन्दोंमोन बिबारिया। बिबारि थांनायथिं ग'ल' नायगोमोहरदोंमोन अलकआ। हाबानि अखानायै हिनजाव गोदान नायफैग्रा मानसिजों न'आ बुंफबबाय। अलकआ औरैनो थानो बानानै खौरां बिलायखौनो नायनोसै होन्नानै खौरां बिलायखौ नागिरबाय। सिडव मोनैनि बायहायाव ओंखारबोनानै अलकआ नुबाय हायावनो गोग्लैनानै दं खौरां बिलायआ। दावराव दावसियाव खौरां बिलायखौ खनखानो रावहाबो समआनो

गैया। सिगांलानानै बियो खनखांबाय खौरां बिलायखौ। सा-सात्रां हेद लाएनखौ नायनानै बियो नुबाय, “सिख्लानि सानस'हायै थैनाय” मोनसे फिसा खौरांखौ। फरायबाय बियो, दिनै मोनानि खमैब्लाबो 7 बाजियाव खरायै खारनाय रेलगारिनि सिगाडाव बारसोमनानै थैनाय। गोजानाव गोर्लैनानै थानाय बेगनिफ्राय सिख्लाया बिबारि ब्रह्म होन्नानै मिथिनो मोन्नाय जादों।

खौरांखौ फरायनानै गोजांसिवबाय अलकआ। गोसोआव फैबाय सानसे सिगां बिबारिनि खुगानि रावआ आरो बियो होलांनाय आसिबादनि खोथा। हाखु दाखु खौरांखौ गाहरनानै बियो खारलांबाय सिडाव, आरो बाकसु खुलिनानै लाबोबाय बिबारिनि आसिबादखौ। पेकेट खेवनानै नुबाय मोनसे खाथबनाय थपला जिउनि सुधेस्यानि आरो मोनसे थन्नाय लेखा बिलाय। हाखु दाखु लेखाखौ खुलिनानै नायबाय बियो। गांसे लायजाम। फरायबाय बियो- आदा नों जेनबाय। आंनि रादायखौ आं लाखिबाय। हौवा गोदान महाराव नोंखौ जोबोर नायनो लुबैनायखौ सुफुनो थाखाय नोंनि हाबायाव नुजाथिहैदोंमोन। गांजि दामोन। मानोना नोंनि हाबानि खौरांखौ आं मोन्नाय नडामोन जुदि नोंनि हिनजाव गोदाना आंजों मावफाग्रानि फिसाजो नडामोनब्ला। जानो हागो आंहा खाफाल मोजांमोन।

गोजोनबाय नोंखौ नुनानै। आंहाखि थानानै थानायनि ओंथि दंबावो। बिनिखायनो दिनैनो जोबथा सान थि खालामबाय। नोंनिसिम मोजां हास्थायनाय अरायसम थागोन। गोजोन जादो।

एसेनोसै, बिबारि। लायजामखौ फरायनानै मेगन मोदै गबाय अलकआ। गोसोआव नो सानबाय जुदि बियो मैयानो पेकेटखौ खुलिनानै नायोमोनब्ला बिखौ थानो हगारनाय नडामोन। थारैनो बियो जोबोर गांज्रियै जेनबाय। मोनसे गोलाव हां ओंखारबाय बिनिफ्राय, जाफुडैनि हां, गोलाव हां।□

माहाम देहानि राहा

बांद्राय सामब्राम गुफुर जानाया सावस्त्रिनि थाखाय ख्वा गोनां जायो

जुदि जाग्रा आदाराव सामब्राम गुफुरनि मोदोमनाय गैयाब्ला जाग्रा आदारनि थावनायखौ मोन्नो हाया। जाग्रा आदाराव सामब्राम गुफुर गैयाब्ला गोबां सुबुंफोरा जानोबो मोजां मोना। नोंथाड भारतआरि आदाराव सामब्राम गुफुरनि गोर्नाथिखौ गोरलैयैनो बुजिनो हाबाय जानांगौ। नाथाय नोंथाड मिथियो ना बांद्राय बिबांनि सामब्राम गुफुर जानाया देहाखौ गोबां बेमारफोरनिफ्राय रैखा खालामो नाथाय एखे समावनो बेयो नोंथांनि सावस्त्रिनि सायाव गात्रि इफेक्ट जानो हागौ। लोगोसे बांद्राय सामब्राम गुफुर जानायनि जाहोनाव मा सावस्त्रि जेनाफोर जानो हागौ बेखौबो मिबथिना लानांगौ। बांद्राय सामब्राम गुफुर जानायनि माखासे जेनाफोरा जाबाय



बाहायनायजों लिभारआव बिस गोनां जाहोन जानो हागौ।
2. लुज मशननि जेना: गोबां सुबुंफोरा उदै खालियाव सामब्राम गुफुर जायो। जुदि नोंथाड उदै खालियाव सामब्राम गुफुरखौ जायोब्ला सांग्रां जा। मानोना उदै खालियाव सामब्राम गुफुर जानाया लुज मशननि जाहोन जानो हागौ। बेनि जाहोना जाबाय सामब्राम गुफुराव सालफार बानायग्रा कम्पाउन्डफोर मोन्नाय जायो। जायनि जाहोनाव लुज मशननि जेना जानो हागौ। एंसिडिटि आरो उदैजों सोमोन्दो थानाय गुबुन जेनाफोराबो जाथावना जायो।
3. उदैनि जेना: बांद्राय सामब्राम गुफुर जायोब्ला उदैजों सोमोन्दो थानाय गुबुन जायो। जेराव सावथुननि, स्टारफोरखौ बाध्रा सावरायनाय नुनो मोन्दों। बबेखानि बेवहाय हाउसफुल

जानायनि जेनाजों मोगा-मोगि जानांदोब्ला बांद्राय सामब्राम गुफुर जानायनिफ्राय गोजानाव थानांगौ।
4. थैखौ फातला खालामो: सामब्राम गुफुरआ थैखौ फातला खालामनायाव गोहोम गोनां। जुदि नोंथाड बांद्राय सामब्राम गुफुर जायोब्ला थै गनायनि खैफोदा बांगोन। बेराफारसेथिं जुदि नोंथाड थै गुदुं खालामग्रा मुलिफोर लागासिनो दंब्ला एसेल' बिबाडाव सामब्राम गुफुरखौ जानांगौ।
5. एलार्जी: बांसिन सामब्राम गुफुर बाहायनाया एलार्जीनि जेनाफोरबो जाहोनो हागौ। एलार्जी आव बिगुरनि दागोफोर थायो। बेनि अनगायैबो बिगुरनि आलौनायबो जानो हागौ।

1. लिभारनि थाखाय खहा: बांद्राय सामब्राम गुफुर जानाया नोंनि लिभारनि थाखाय खहागोनां जानो हागौ। मानोना गोथां सामब्राम गुफुराव गोबां बिबांनि एन्टीअक्सिडेंट थायो। बेखौ सिमा गैयै बिबाडाव

फिल्मफेयार एवार्ड 2025 आव फावखुंग्रि जिनत आमनखौ लाइफटाइम एचिभमेन्ट बान्थाजों मान बाउदों



बोसोरफ़ोमबो सावथुन नायनो मोजां मोनग्रा सुबुंफोरा फिल्मफेयारनि मोनाबिलि समखौ जेब्लायबो नेनानै थायो, मानोना बे मोनाबिलि समाव स्टारफोरा जौसांआव समायना पारफर्मन्स होनायजों लोगोसे बेस्ट सावथुनफोर आरो महरगिरिफोरनो बिसोरनि जौगाखां नाय खामानि

मावनायनि थाखाय मान बाउनायबो जायो। बे खेबाव फिल्म फेयारनि मोनाबिलि समाव लापता लेडिज सावथुननि मुड थादों। लोगोसेनो जिनत अमान आरो रंसारि बिथोनगिरि श्याम बेनेगलखौबो मान बाउनाय जायो। सानैखौबो लाइफटाइम एचिभमेन्ट बान्थाजों मान बाउनाय जादों। बे खेबाव फिल्मफेयार एवार्ड हाबाफारिखौ

गुजरतनि आहमेदाबादआव खुंफुनाय जादोंमोन, जायखौ मुंदांखा फावखुंगुर शाहरुख खान आरो करण जौहरआ हस्ट खालामदोंमोन। बे बोसोरआव आमिर खाननि बानायनाय 'लापता लेडिज' सावथुन आरो कास्टआ बांसिन नमिनेशनआव जायगा आवग्रिनो हादों। अमान आरो रंसारि बिथोनगिरि श्याम बेनेगलनो लाइफटाइम

एचिभमेन्टजों मान बाउनाय जादों। बेजों लोगोसेनो रंसारि महरगिरि नुतन आरो रंसारि फिल्ममेकार बिमल रयनो बिबार बाउनाय जादों। बे हाबाफारियाव दिलिप कुमारनि मुडैबो फोर्बो फालिनाय जादों। बेरामाव गोलैनायनि जाहोनाव बिथानि बिसिआ हाबाफारियाव बाहागो लाफैनो हायाखै। बेनिखायनो शाहरुख खानआ बिथानि जायगायाव बान्थाखौ आजावदों। बबेखानि बे बान्थाखौ लानाय समाव शाहरुख खानआ बै समफोरखौ गोसो खांदों, जेब्ला गाव दिलिप कुमार आरो सायरा बान'जों लोगो हमनो थाखाय बिथामोननि न'आव थांदोंमोन अब्ला बे समाव फावखुंगुरआ शाहरुख खाननि खर'आव दांनानै बुंदोंमोनजे जुदि गावहा फिसाज्ला दंमोनब्ला शाहरुख खान बायदिनो जागौमोन।

उत्तम कुमारनि फिसौज्लाया हिन्दी सावथुन मुलुगाव खाबु नागिरगासिनो दड

सावथुन मुलुगनि स्टार किडसखौ लानानै सम-सम गोबां सावरायनाय जायो। माखासे महरगिरिफोर गावसिनि सावथुन नख'रनि मुंखौ जोबोद गोजों खालामदों, नाथाय माखासे सेलेब्सफोरनि गथ'फोरा गावसोर बादि सावथुन मुलुगाव मुंदांखा जानो हायाखै। बे फारिलाइयाव फावखुंगुर उत्तम कुमारनि फिसौज्ला गौरब चेटाजिनि मुडबो थाफायो। गावनि बिबौ बायदिनो गौरबआ बांला सावथुनाव जोबोद मुंदांखा। बेल्'नड बिथाड गुड लुकिंनि बिथिडाव बलिउड सुपारस्टार ऋतिक रशनखौबो फे जे नो। बबेखानि गौरब चेटाजिनि बिफानि मुड गौतम चेटाजि, जाय उत्तम कुमारनि सासेल' फिसाज्ला मोन। गौरबआ बिथानिनो फिसाज्ला। बांला सावथुन मुलुगाव गौरबनि स्टेयसआ जोबोद गोजौआव दड



आरो बिथांखौ सासे गेदेर सुपारस्टार महर् मिबथिनाय जायो। गौरब चेटाजिनि एफिसिएल इनस्टाग्राम हेन्डेलआव बिथानि माखासे गोदान सावगारिफोरा दड, जायखौ नुयोब्ला नोंथांमोनहाबो बेखौनो बुंगोनदि, बिथांखौबो गावनि बिबौ बायदिनो जोबोद हेन्डसाम नुयो। गुबुन फार्सेथिं गौरबनि सलिड फिटनेसआ बिथानि समाइन महरनि प्लास पडन्ट। बिथानि महर मोखांआव हिर'क्लालिटिखौ रोखायै नुनो मोनो। कलकतानि थागिबि

गौरब चेटाजिआ फिसा पर्दानिफ्राय लानानै गिदिर पर्दासिम बांला सावथुनाव गावनि गोखों एक्टिनि नेसॉन होबोदों। बिथांनि मुंदांखा सावथुनफोरखौ सावरायोब्ला, बेयाव भाल'बासार अनेक नाम, बाबा बेबी अ आरो माया सावथुननि मुडबो थाफायो। गोमोथावना बाध्राया बेनोदि, उत्तम कुमारनि फिसौज्ला जानायनि जाउनावबो दासिमबो गौरब चेटाजिआ हिन्दी सावथुन मुलुगाव गावनि सिनायथि बानायनो थाखाय खाबु

'हाउसफुल 6' सावथुननि थाखाय अक्षय, अभिषेक आरो रितेशआ गावसिनि आइडिया होदों

बलिउड स्टार अक्षय कुमारनि हाउसफुल 5 सावथुनआ थियेटरफोरव दोहौ सोमजिदों। अदेबानि आथिखालाव बे सावथुना टिभि स्क्रिनआव दोहौ सोमजिहोनो थाखाय थियारि जादों। बे ब्लकबास्टर कमेडि सावथुनाव अक्षय कुमारजों लोगोसे रितेश देशमुख, अभिषेक बच्चन, जेकलिन फार्नान्डिस, नरगिस फाखरि आरो सनम बाजवा बायदि स्टारफोरखौ नुनो मोनगोन। आथिखालाव बे सावथुना गोबां सावरायनायाव थादों। बेफोरनि गेजेराव बिथोनगिरि तरुण मनसुखिनिया सावथुननि स्टारफोरजों लोगोसे जयै मोनसे मुजिथावना राउन्डटेबल चेटआव बाहागो लादों। बे बाध्रा सावरायलायनाया सावथुनखौ लानानै माखासे बाध्रा फोरमायनाय जादों। अक्षय कुमारनि हाउसफुल 5 सावथुना फिन खनसेबाव खौरांआव थादों, जायनि जाहोना राउन्डटेबल चेट, जेराव सावथुननि, स्टारफोरखौ बाध्रा सावरायनाय नुनो मोन्दों। बबेखानि बेवहाय हाउसफुल



फ्रेन्चाइजिनि फै नोगोनां सावथुननि सायाव बाध्रा सावरायनाय नुनो मोन्दों।

स्टारफोरा 'हाउसफुल 6' नि सावथुननि थाखाय आइडियाफोर होदों। रितेशआ

बुडो, बे खेबाव फुल अन हरर कमेडि बानायगोन, भुत-आत्माजों लोगोसे कमेडि

अस्कार बान्था देरहागिरि फावखुंग्रि डायने किटनआ 79 बोसोर बैसोयाव रंसारि जाबाय

हलिउडनि मुंदांखा महरगिरि डायने किटनआ आथिखालाव बे बुहुमाव गैलिया। फावखुंग्रिया 79 बोसोर बैसोयाव जिउ गोमाबाय। अदेबानि डायनेनि स्पकपार्सनआ बिथानि जिउ गोमानाय खौरांखौ होदों। डायने किटनआ लस एन्जेलिसआव थायोमोन। 11 अक्टुबरखालि बिथाड हरखाबै जिउ गोमायो, नाथाय बेनि जाहोनखौ दासिमाव फोस्मायनाय जायाखै। बबेखानि लस एन्जेलिस फायार डिपार्टमेन्टआ पिपलनो मिबथि होयोदि, बिथाड बै सानखालि फुंनि समाव बिथानि न'आव फैयो आरो फावखुंग्रिखौ देहा



फाहामसालियाव लानानै थांदोंमोन। डायने किटननि स्पकपार्सनआबो बिथानि जिउ गोमानाय खौरांखौ होदों। बिथाड पिपलजों बाध्रा सावराय लायनायाव मिबथि होयोदि, बे समाव होनो हाथाव जेबो खौरां गैथ'या। बिथानि नख'रआ बे दुखुनि समाव प्राइभेसिखौ

लुबैदों। आथिखालाव हलिउड फावखुंग्रि डायने किटनआ माबौरे जिउ गोमाया बे बाध्राखौ मिबथि मोन्नाय जायाखै। नाथाय बिथानि गासै लोगोनि बुंनाय बायदिब्ला, थानाया माखासे समनिफ्रायनो डायनेनि देहाया हरखाबै गात्रि जानो हमदोंमोन। सासे लोगोआ पाब्लिकेशननो मिबथि होयोदि,

अक्षय कुमारआ बुडो, सोरगो आरो नख'रनि कन्सेप्टखौ लानोसै नामा? बबेखानि हाउसफुल गेंनि सुपार पावारजों लोगोसे, रंजानाय लानाय बे भिडिअया समाजयारि बिजोंआव गोबां भाइरेल जागासिनो दं। बे भिडिअखौ अन्साइगिरिफोरा जोबोद अनसाइदों। हाउसफुल 5नि वाल्ड टिभि प्रिमियारआ 11 अक्टुबरखालि मोनानि 8 रिंगायाव जादों। बे सावथुनखौ टिभिआव नुनानै अन्साइगिरिफोरा जोबोद खुसि जादों।

70 थि फिल्मफेयार एवार्ड 2025 हाबाफारियाव शाहरुख खान आरो काजलआ जयै मोसादों

70 थि फिल्मफेयार एवार्डसखौ 11 अक्टुबर 2025 आव शनिबारखालि खुंफुनाय जादों, जेराव बलिउडनि माखासे स्टारफोरबो बाहागो लाहैदोंमोन। नाथाय बे स्व'नि हाइलाइटआ काजल आरो शाहरुख खाननि रिइउनियन जानायमोन। जाय गावसिनि ब्लकबास्टर सावथुन दिलवाले दुल्हनिया ले जाएंगे, कभी कुशी कभी गम आरो कुछ कुछ होता है सावथुननि मेथाइफोर देखे ये पगली, सुरज हुवा मद्दम आरो तुझे देखा तो ये जाना सनम मेथाइजों मोसादोंमोन। बे भिडिअखौ नुनानै अन्साइगिरिफोरनि गोसोखांथिफोरा गोदान जाफिनदों। बबेखानि भिडिअयाव शाहरुख खान आरो काजलखौ मेचिं ब्लेक



आफर्टफिटआव नुनो मोन्दों। जेराव किं कानआ गोसोम गाबनि सुट गान्दों आरो काजलखौ सिक्विन गोसोम गाबनि सारियाव नुनो मोन्दों। बबेखानि सानैखौ सुरज हुवा मद्दम, ये लड़ है दीवाना आरो तुझे देखा तो ये जाना सनम मेथाइजों मोसानाय नुनो मोन्दों।

मिबथि होनाय जायोदि, शाहरुख खानआ 17 बोसोर ब्रेकनि उनाव फिल्मफेयारखौ हस्ट खालामदों। बे खेबाव बिथांजों लोगोसे करण जौहर, अक्षय कुमार आरो मनिष पलखौबो हस्टिनि मासिखौ सामलायनाय नुनो मोनगोन। अदेबानि बे इभेन्टआवनो

शाहरुख खानखौ भारतीय सिनेमायाव कन्ट्रिबिउशन्सनि थाखाय बान्थाबो मोनगोन। बे एवार्डस्व'आव जेकि श्रफ, रवि किशन, सिद्धान्त चतुर्वेदि, अनन्या पान्डे हर्षबर्धन राणे, महनिश बहल आरो अनुपम खेर बायदि सेलेब्सखौबो बाहागो लानाय नुनो मोनगोन।

साउथनि हरर सावथुन किष्किंधापुरि सावथुना आइएमडिबिनिफ्राय 8.6 रेटिं मोन्दों

हरर सावथुननि क्रेजआ औरैबायदि गोखौदि, नायगिरिफोरा गियोब्लाबो, नाथाय भुटनि सावथुनफोरखौ नायनो मोजां मोनो। थानाय माखासे समनिफ्राय गिदिर पर्दा आरो अटिटिआव जोबोद गिथावना सावथुनफोर आरो सिरिजआ रिलिज जादों, नाथाय बांसिनानो हरर प्लास कमेडि सावथुनमोन। बबेखानि जुदि नोंथांमोनहा जायखि जाया हरर थ्रिलार सावथुन नायनो लुबैयोब्ला मोनसे टप रेटेड हरर थ्रिलारनि मुंखौ लाफानाया गाहाम जागोन। बे सोलिफु बोसोरनि सिनेमा हलफोराव साउथनि मोनसे टप हरर थ्रिलार



सावथुना रिलिज जादोंमोन। अदेबानि बे सावथुनखौ नायगिरिफोर आरो क्किटिक्सफोरा जोबोद बाख्नायदों, नाथाय बक्स

अफिसआव बे सावथुना जर'खा पारफर्म खालामनो हायाखैमोन। दान मोनसे उनावबो बे सावथुना गावनि बाजेटखौ बोखांनो हायाखै।

नाथाय बक्स अफिसआव जाफुंसारनो हायाखैमोनब्लाबो बे सावथुना अटिटिआव थारैनो मोजां जायगा आवग्रिनो। बेयो मोनसे हरर थ्रिलार सावथुन

आरो बे सावथुननि मुडा किष्किंधापुरि सावथुन। कौशिक पेगल्लापटि दिहुन्नाय तेलुगु हरर ड्रामा सावथुना बे बोसोरनि 12 सेप्टेम्बरखालि सिनेमा हलफोराव रिलिज जादोंमोन। सावथुनाव अनुपमा, बेलमकन्डा साइ श्रीनिवास गाहाइ फावआव दं। सावथुन सल' आरो महरगिरिफोरनि पारफर्मन्सआ जोबोद अनसाय जादों। बे सावथुना आइएमडिबिनिफ्राय 8.6 रेटिं मोन्दों आरो क्किटिक्सआ बेखौ गोबां बाख्नायदोंमोन, नाथाय अब्लाबो बे सावथुना बक्स अफिसआव जर'खा रिस्पन्स मोन्नो हायाखै।

